



Llywodraeth Cymru  
Welsh Government

---

## DATGANIAD YSGRIFENEDIG GAN LYWODRAETH CYMRU

---

**TEITL** Rheoliadau Bwyd Newydd (Diwygio) (Ymadael â'r UE) 2019

**DYDDIAD** 5 Chwefror 2019

**GAN** Rebecca Evans AC, Y Gweinidog Cyllid a'r Trefnydd

### Rheoliadau Bwyd Newydd (Diwygio) (Ymadael â'r UE) 2019

#### Cyfraith yr UE a ddargedwir sy'n cael ei diwygio

- Rheoliad (UE) 2015/2283 Senedd Ewrop a'r Cyngor Ewropeaidd ar fwyd newydd, yn diwygio Rheoliad (UE) Rhif 1169/2011 Senedd Ewrop a'r Cyngor Ewropeaidd ac yn diddymu Rheoliad (CE) Rhif 258/97 Senedd Ewrop a'r Cyngor Ewropeaidd a Rheoliad y Comisiwn (CE) Rhif 1852/2001;
- Rheoliad Gweithredu'r Comisiwn (UE) 2017/2468 sy'n gosod gofynion gweinyddol a gwyddonol sy'n ymwneud â bwyd traddodiadol o drydydd gwledydd yn unol â Rheoliad (UE) 2015/2283 Senedd Ewrop a'r Cyngor Ewropeaidd ar fwyd newydd;
- Rheoliad Gweithredu'r Comisiwn (UE) 2017/2469 sy'n gosod gofynion gweinyddol a gwyddonol ar gyfer ceisiadau y cyfeirir atynt yn Erthygl 10 Rheoliad (UE) 2015/2283 Senedd Ewrop a'r Cyngor Ewropeaidd ar fwyd newydd;
- Rheoliad Gweithredu'r Comisiwn (UE) 2017/2470 yn sefydlu rhestr o fwyd newydd yr Undeb yn unol â Rheoliad (UE) 2015/2283 Senedd Ewrop a'r Cyngor Ewropeaidd ar fwyd newydd;
- Rheoliad Gweithredu'r Comisiwn (UE) 2018/456 ar gamau gweithdrefnol y broses ymgynghori ar gyfer penderfynu ar statws bwyd newydd yn unol â Rheoliad (UE) 2015/2283 Senedd Ewrop a'r Cyngor Ewropeaidd ar fwyd newydd.

#### Unrhyw effaith y gall yr OS ei chael ar gymhwysedd deddfwriaethol y Cynulliad a/neu gymhwysedd gweithredol Gweinidogion Cymru

Bydd yr OS hwn yn cryfhau pwerau gweithredol Gweinidogion Cymru. Bydd yn trosglwyddo pwerau cyfredol y Comisiwn Ewropeaidd, gan gynnwys swyddogaethau llunio rheoliadau, o dan y Rheoliadau ar fwyd newydd, i Weinidogion Cymru mewn perthynas â Chymru. Bydd hyn yn galluogi Gweinidogion Cymru i lunio rheoliadau, yn ddarostyngedig i ddirymiad gan y Cynulliad Cenedlaethol, i ychwanegu bwyd newydd awdurdodedig at restr y DU o fwyd newydd ac i newid manylebau ac amodau defnydd ar gyfer y bwyd newydd. Bydd Gweinidogion Cymru hefyd yn gallu llunio rheoliadau i ddiwygio elfennau nad ydynt yn hanfodol o gyfraith yr UE a ddargedwir, er enghraifft, newid diffiniad nanoddeunyddiau. Ni fydd yr OS yn cael unrhyw effaith ar gymhwysedd deddfwriaethol y Cynulliad.

## **Diben y diwygiadau**

Diben y diwygiadau yw cywiro diffygion yn neddfwriaeth yr UE a ddargedwir yn ymwneud â bwyd newydd, yn deillio o'r DU yn ymadael â'r Undeb Ewropeaidd. Bydd hyn yn darparu fframwaith gweithredol yn y DU ar ôl Ymadael â'r UE ar gyfer asesu gwyddonol cyn rhoi bwyd/bwyd anifeiliaid newydd ar y farchnad a'u hawdurdodi.

Ni fydd y diwygiadau i ddeddfwriaeth yr UE a ddargedwir yn gweithredu unrhyw newidiadau polisi na newidiadau o ran dull rheoleiddio bwyd/bwyd anifeiliaid newydd.

- (a) Trosglwyddo swyddogaethau sydd gan yr Awdurdod Diogelwch Bwyd Ewropeaidd (EFSA) ar hyn o bryd i'r "Awdurdod Diogelwch Bwyd" (yr ASB yng Nghymru, Lloegr a Gogledd Iwerddon, a Safonau Bwyd yr Alban). Mae swyddogaethau cyfredol EFSA mewn perthynas â bwyd newydd yn cynnwys cynnal asesiadau risg a barn wyddonol ar geisiadau am awdurdodiadau bwyd newydd.
- (b) Trosglwyddo swyddogaethau'r Comisiwn Ewropeaidd mewn perthynas â Chymru i Weinidogion Cymru. Bydd y pwerau'n galluogi/mynnu bod Gweinidogion Cymru yn:
  - Penderfynu a yw bwyd neu fwyd anifeiliaid yn dod o fewn y diffiniad o fwyd newydd.
  - Dod i benderfyniad ar y cais i roi bwyd newydd ar y farchnad yng Nghymru o fewn saith mis o ddyddiad cyhoeddi barn yr ASB ar gais bwyd newydd i'w awdurdodi.
  - Ychwanegu, dileu neu newid y manylebau, yr amodau defnydd, y gofynion labelu penodol ychwanegol neu'r gofynion monitro ar ôl rhoi cynnyrch ar y farchnad sy'n gysylltiedig â chynnwys bwyd newydd ar y rhestr.
  - Gwneud rheoliadau i ddiwygio elfennau nad ydynt yn hanfodol o gyfraith yr UE a ddargedwir, er enghraifft, i newid diffiniad nanoddeunyddiau.

Gellir gweld yr OS a'r Memorandwm Esboniadol, sy'n nodi effaith bob diwygiad yma:

<https://beta.parliament.uk/work-packages/e6qZuX4U>

## **Pam rhoddwyd caniatâd**

Nid oes unrhyw wahaniaeth rhwng Llywodraeth Cymru/ASB Cymru a Llywodraeth y DU (ASB y DU) o ran y polisi ar gyfer y cywiriadau. Felly, byddai creu OSau ar wahân yng Nghymru ac yn Lloegr yn arwain at ddyblygu, a chymhlethu'r llyfr statud heb fod angen. Bydd cydsynio i OS ar gyfer y DU i gyd yn sicrhau bod un fframwaith deddfwriaethol ar draws y DU sy'n hyrwyddo eglurder a hygyrchedd yn ystod y cyfnod hwn o newid. Dan yr amgylchiadau eithriadol hyn, mae ASB Cymru/Llywodraeth Cymru o'r farn ei bod yn briodol fod Llywodraeth y DU yn deddfu ar ein rhan yn yr achos hwn.